

## PSALM 104



Ek wil die He - re loof en prys.  
Be - klee met luis - ter - ry - ke prag,  
soos Hy sy groot - heid aan ons wys,  
dra Hy die lig as ko - nings - drag.




2.

**U span die hemelhoë boog**

**net soos 'n tentdoek teen die lig.**

**Daarbo het U 'n woonplek hoog**

**bo-oor die waters ingerig.**



**3.**

**Dis U wat op die wolke ry.**

**U swewe op die wind se vlerk.**

**U laat die wind u boodskap sprei;**

**U laat die weerlig vir U werk.**





4.

Die aarde is onwankelbaar.

Groot waters is deur U getem:

In laagtes het U dit vergaar

in plekke deur u krag bestem.



5.

U het daaraan 'n grens gestel,

U het die vloei daarvan bepaal,

U wat fonteine op laat wel

en water in 'n stroom laat straal.



6.

U laat die wildedonkies drink,  
en voëls maak langs die water nes;  
hul kwetter vrolik en rinkink.  
Die diere kom hul dors daar les.





7.

U laat dit op die berge reën,

die gras loop vir die diere uit.

Met voedsel word die mens geseën

wat uit die aarde vir hom spruit.



8.

U laat die mens die goeie smaak  
as U hom laaf en U hom voed,  
met wyn word harte bly gemaak,  
vir die gesig is olie goed.







9.

Die bome is deur U geplant

waar voëltjies hulle neste bou.

Die hoë berg hou U in stand

waar dassies skuil en bokke hou.



10.

**U is die Skepper van die maan**

**om vaste tye aan te gee;**

**die son weet hy moet onder gaan,**

**U deel u wysheid aan hom mee.**



11.

**Snags roer die diere in die bos**

**deur U met duisternis bedek;**

**die leeus wat brul, gaan soek hul kos**

**en ligdag sluip hul na hul plek.**

1 2 3 4 5 6 7 8 9

10 11 12 13 14 15 16 17





12.

Die mens begin dan met sy taak;  
tot teen die aand doen hy sy werk.

Dis U wat oor die tye waak,  
ons kom en gaan vir ons bewerk.




13.

U het die aarde vol geskep,  
in wysheid en in skone prag,  
die see, sy diere, vloed en eb;  
die skepe vaar daar met hul vrag.

14.

Dis U wat lewensasem wek  
en plante uit die grond laat spruit,  
maar word u hand teruggetrek,  
dan vloei die lewe uit hul uit.





15.

Mag al u werk U vreugde gee,

geen einde kom aan al u roem.

U is met mag en krag bekleee,

U maak deur net te kyk en noem.



16.

Ek wil die eer van God besing;

ek wil my in die Heer verbly,

so lank ek leef my lof Hom bring.

Mag wat ek peins sy guns verkry.





17.

**Laat sondaars voor sy oog verdwyn.**

**Hy wat sy grootheid aan ons wys,**

**wat in sy kleed van lig verskyn -**

**Hom wil ek loof, Hom wil ek prys.**

